

## Viungo Jangwani wamtisha Domayo

■ Kalunde Jamal

ALIYEKUWA kiungo wa timu ya JKT Ruvu, Frank Domayo ambaye amesalni kuichezea Yanga msimu ujao, amesema siri kubwa ya kufanikiwa katika soka ni kufanya mazoezi kwa bidii, kitu ambacho yupo makini nacho hasa ukizingatia namba anayocheza kuna wachezaji wengi na wazoefu.

Alisema alipokuwa JKT pamoja na kucheza kwa kujituma hakukuwa na ushindani mkali hasa ukizingatia wengi wa wachezaji wa timu ile ni wanajeshi hivyo wanacheza kwa mapenzi.

"Kule namba yangu ilikuwa ni yangu na uwezo niliokuwa naonyesha ulinibeba lakini huku

kuna upinzani ninachofanya ni kufanya mazoezi kwa kujituma ili kocha aone juhudi zangu na hatimae anipange," alisema Domayo.

Akizungumzia changamoto alizokutana nazo kwa muda huu mfupi akiwa na klabu hiyo alisema: "Changamoto ni nyingi hasa ukizingatia timu hii ni kubwa na ina mashabiki wengi ambao wanahudhuria mazoezi tofauti na nilikotoka.

"Si unajua tena, mashabiki wasipokukubali kocha akakupanga watakupigia kelele ukiwa uwanjani inaweza kukuchanganaya hivyo ni lazima nionyeshe kiwango kuanzia mazoezini ili kocha anipange niweze kuonyesha uwezo," alisema Domayo.



Mshambuliaji wa timu ya soka ya Manispaa, Ibrahim Bakari (mwenye jezi ya njano) akimtoka mlinzi wa Kilombero, Alexander Ngapanda wakati wa mashindano ya Umoja wa Mich-ezo kwa Shule za Msingi na Taaluma Tanzania (UMITASHUMTA) ngazi ya mkoa Morogoro. Kilombero ilifungwa mabao 3-2.

## DAR YAZIDI KUNG'ARA UMISSETA

■ Imani Makongoro, Kibaha

KANDA ya Dar es Salaam imeendelea kuingiara katika michezo ya Umoja wa Shule za Sekondari nchini (Umiseta) baada ya kuibuka na ushindi katika michezo ya wavu wanaume, netiboli na mpira wa mikono.

Mbali ya kutamba katika michezo hiyo, kanda hiyo iliendelea kufanya vibaya katika soka baada ya kufungwa kwa mara ya pili mfululizo. Katika mchezo wa wavu, Dar iliwatambia Nyanda za Juu Kusini kwa kuwafunga kwa seti 3-1, huku netiboli wakiwafunga Kusini kwa magoli 42-12 na mikono wakiwafunga Magharibi kwa magoli 11-5.

Upande wa soka, Dar ilian-gukia pua baada ya kukubali kichapo cha mabao 2-0 toka Zanzibar, huku Magharibi iki-wachakaza Kanda ya Ziwa bao 1-0 upande wa wanaume, na wanawake Kanda ya Ziwa ili-toka sare ya 1-1 na Nyanda za Juu K usini. Mikono Nyanda za Juu waliwafunga Kaskazini Mashariki kwa magoli 20-11 na Zanzibar wakiwafunga Kanda ya Kati kwa magoli 20-11 na Kanda ya Ziwa wakiwafunga Kaskazini Magharibi 11-5, huku Nyanda za juu Kusini wakiku-bali kichapo 12-7.

## Benchi kumkimbiza Kisambale Yanga

■ Jessca Nangawe

ALIYEKUWA mshambuliaji wa Yanga, Pius Kisambale huenda akatimkia Coastal Union ya Tanga kwa ajili ya kuichezea timu hiyo msimu ujao wa ligi baada ya kusitisha mkataba wake na klabu hiyo yenye maskani yake Mitaa ya Twiga na Jangwani kwa madai ya kutopewa nafasi katika kikosi hicho.

Kisambale ambaye ni miongoni mwa wachezaji wenye mkataba na klabu ya Yanga amechukua uamuzi huo baada ya uongozi wa Yanga kushindwa kumtumia na kuelezea kuchukizwa na hali hiyo.

Ofisa Habari wa Coastal Union, Edo Kumwembe alitambua alise-

ma kuwa wapo katika mazungumzo na mchezaji huyo kwa sasa na endapo watafikia mwafaka watamtumia kwa msimu ujao wa ligi.

"Kuna habari kuwa hayuko katika mazungumzo mazuri na kikosi chake cha Yanga na tumejaribu kufanya nae mazungumzo na ameridhia kuja kuitumia timu yetu na tutafikia mwafaka," alisema Edo.

Aidha kwa upande wa Kisambale alipotafutwa na gazeti hili kuzungumzia mikakati yake msimu ujao wa ligi simu yake ilita bila kupokewa. Coastal Union imejipanga vyema kuhakikisha inasajili wachezaji wenye uwezo kuhakikisha inafanya vema kati-ka Ligi Kuu.

# Tamasha la Matumaini kufanyika Dar Julai 7

■ Prisca Malekela

TAMASHA la aina yake la matumaini la michezo na burudani, litafanyika Julai 7 kwenye Uwanja wa Taifa, Dar es Salaam kuanzia saa 2:00 asubuhi.

Mratibu wa tamasha hilo, Luqman Maloto alitambua Mwananchi Jumapili jana kuwa katika tamasha hilo kutakuwa na mpambano wa ngumi kati ya Francis Cheka na Japhet Kasaba. Mpambano huo utakuwa wa raundi 12.

Maloto alisema kuwa mbali na mpambano huo, kutakuwa na mechi ya wabunge wapenzi wa Simba na Yanga.

Alisema kuwa mechi nyingine itakuwa kati ya Bongo Movie dhidi ya Bongo Flea na kufuatiwa na mchezo kati ya Sekondari ya Jitegemee itayopambana na wapinzani wao, Makongo Sekondari.

## Lorenz kuongoza mbio za K'njaro leo

■ Daniel Mjema, Moshi

MWIGIZAJI mashuhuri wa filamu kutoka Marekani, Deirdre Lorenz amewasili mjini Moshi kuungana na wanariadha 280 kushiriki mbio za Mount Kilimanjaro Marathon.



Lorenz ameshaigi-za filamu nne zenye umaarufu duniani ikiwamo ya Santorini Blue na leo ataungana na Wamarekani wengine 30, Wacanada 10 na Watanzania 150 kushiriki mbio hizo. Akizungumza na waandishi wa habari jana, Lorenz alisema ameshashiriki mara mbili mbio za kimataifa za New York Marathon lakini ni mara ya kwanza kushiriki mbio za Mount Kilimanjaro.

"Nimeanza kuigiza filamu nikiwa na miaka 18 na mimi naona Waafrika hata hapa Tanzania bado wasanii wana changamoto ya kutengeneza filamu zilizo kati-ka kiwango cha ubora," alisema.

Msanii huyo ambaye pia ni mwanamitindo wa kimataifa, aliahidi kuwa bafozi mzuri wa kutangaza vivutio vya utalii vya Mlima Kilimanjaro ambao unabeba jina la mbio hizo zilizoanzishwa 1991.

Jana Lorenz alitembelea kituo cha kulea watoto cha Upendo na kutoa vifaa mbalimbali ikiwamo midoli na madaftari yenye thamani ya Dola 200 za Marekani sawa na Sh320,000 za Tanzania.

Akizungumzia mbio hizo, Rais wa klabu ya Mount Kilimanjaro Marathon 1991, Onesmo Ngowi alisema mbio hizo zitahusisha mbio za kilometa 42,21,10 na kilometa tano kwa watoto.

Mshindi wa kwanza atapata ufadhili wa kushiriki mashindano ya kimataifa ya Newyork Marathon, wa pili atafadhiliwa kushiriki Boston Marathon na wa tatu atafadhiliwa kushiriki Los Angeles Marathon.

## EBSS YATEKA VIJANA Z'BAR

■ Mwandishi Wetu

WAZANZIBAR jana walisahau kwa muda tofauti za kuukataa Muungano na kufurika kwenye Ukumbi wa Ngame Kongwe Zanzibar katika kinyang'anyiro cha kusaka wakali wa Epiq Bongo Star Search 2012.

Katika kinyang'anyiro hicho, wasichana kwa wavulana wali-furika kwenye ukumbi huo huku baadhi yao wakiwa na vifaa mbalimbali ikiwemo marimba, magita, zeze, vinanda kunakshia uwimbaji wao.


Mkuu wa majaji wa shindano hilo, Ritha Paulsen alieleza kufurahishwa na idadi ya vijana waliojitokeza katika shindano lake. "Nilikuwa nawaza siyo kutokana na hali hiiyojitokeza awali, imenipa moyo kuwa EBSS inadumisha amani na umoja," alisema.

Ritha aliwasifu vijana wa Zanzibar akisema kuwa wengi wana vipaji lakini wanakosa pa kutokea. "Nimekuja hapa na EBSS naamini wengi watatokea hapa," alisema.

Naye Mkurugenzi wa Biashara wa Zantel, Mohamed Mussa alisema: "Nimevutiwa na umati wa vijana...muziki ni ajira na ndiyo maana Zantel imewekeza."

## BWANA CHEZO

Na Ibra Washokera



# Lorenz kuongoza mbio za K'njaro leo

■ Daniel Mjema, Moshi

MWIGIZAJI mashuhuri wa filamu kutoka Marekani, Deirdre Lorenz amewasili mjini Moshi kuungana na wanariadha 280 kushiriki mbio za Mount Kilimanjaro Marathon.

Lorenz ameshaigiza filamu nne zenye umaarufu duniani ikiwamo ya Santorin Blue na leo ataungana na Wamarekani wengine 30, Wacanada 10 na Watanzania 150 kushiriki mbio hizo. Akizungumza na waandishi wa habari jana, Lorenz alisema ameshashiriki mara mbili mbio za kimataifa za New York Marathon lakini ni mara ya kwanza kushiriki mbio za Mount Kilimanjaro.

"Nimeanza kuigiza filamu nikiwa na miaka 18 na mimi naona Waafrika hata hapa Tanzania bado wasanii wana changamoto ya kutengeneza filamu zilizo kati-ka kiwango cha ubora," alisema.



Msanii huyo ambaye pia ni mwanamitindo wa kimataifa, aliahidi kuwa baji mzuri wa kutangaza vivutio vya utalii vya Mlima Kilimanjaro ambao unabeba jina la mbio hizo zilizoanzishwa 1991.

Jana Lorenz alitembelea kituo cha kulea watoto cha Upendo na kutoa vifaa mbalimbali ikiwamo midoli na madaftari yenye thamani ya Dola 200 za Marekani sawa na Sh320,000 za Tanzania.

Akizungumzia mbio hizo, Rais wa klabu ya Mount Kilimanjaro Marathon 1991, Onesmo Ngowi alisema mbio hizo zitahusisha mbio za kilometa 42,21,10 na kilometa tano kwa watoto.

Mshindi wa kwanza atapata ufa-dhili wa kushiriki mashindano ya kimataifa ya Newyork Marathan, wa pili atafadhiliwa kushiriki Boston Marathon na wa tatu atafadhiliwa kushiriki Los Angeles Marathon.

## ■ Mwandishi Wetu

WAZANZIBAR jana walisahau kwa muda tofauti za kuukataa Muungano na kufurika kwenye Ukumbi wa Ngome Kongwe Zanzibar katika kinyang'anyiro cha kusaka wakali wa Epiq Bongo Star Search 2012.

Katika kinyang'anyiro hicho wasichana kwa wavulana walifurika kwenye ukumbi huo huku baadhi yao wakiwa na vifaa mbalimbali ikiwemo marimba, magita, zeze, vinanda kunakshia uwimbaji wao.

Mkuu wa majaji wa shindano hilo, Ritha Paulsen alieleza kufurahishwa na idadi ya vijana waliojitokeza katika shindano lake. "Nilikuwa nawaza siyyo kutokana na hali hiyojitokeza awali, imenipa moyo kuwa EBSS inadumisha amani na umoja," alisema.

Ritha aliwasifu vijana wa Zanzibar akisema kuwa wengi wana vipaji lakini wanakosa pa kutokea. "Nimekuja hapa na EBSS naamini wengi watatokea hapa," alisema.

Naye Mkurugenzi wa Biashara wa Zantel, Mohamed Mussa alisema: "Nimevutiwa na umati wa vijana...muziki ni ajira na ndiyo maana Zantel imewekeza."

Na Ibra Washokera

WAZANZIBAR JANA WALISAHAU KWA MUDA TOFAUTI ZA KUUKATAA MUUNGANO NA KUFURIKA KWENYE UKUMBI WA NGOME KONGWE ZANZIBAR KATIKA KINYANG'ANYIRO CHA KUSAKA WAKALI WA EPIQ BONGO STAR SEARCH 2012.